

Saehyinx Seiz Iq

童年趣事

Vunz caen geizgvaig, seiz iq, cungj siengj majhung vaiq di, hoeng majhung le, youh dauqsiengj seiz iq.

Geiq ndaej miz ngoenz seizhah ndeu, gou caeuq gyoengq baengzyoux caez guhcaemz, seizhaenx dou youq ndawndoeng faexndoek guh “it, ngeih, sam, boux vunzfaex” youzheiq. Dou sien cai “ndaekrin faggeuz baengz, ndaekrin faggeuz baengz……” Doek-laeng Siujmingz saw lo. Gou caeuq Hungzhungz, Lili lijimiz Yiujiuij byaij daengz baihlaeng diuz sienq ndeu, dou ndwn youq baihlaeng sienq ndaej seizbienth doengh, hoeng ok sienq le, couh mbouj ndaej doengh lo.

Hainduj guhcaemz lo, gou caeuq Yiujiuij daih’it boux yamq ok sienq, seizneix Siujmingz ngamq geq ndaej, couh lumj raq rumzgaujgaeq ityiengh gig vaiq cienq ndang gvaqdaeuq.

Lwgda cim dwk gou caeuq Yiujiuij, hoeng dou song boux mbouj doengh saek di, Siujmingz mbouj fatyienh doenghdanh, couh cienq ndang gvaqbae, gou caeuq Yiujiuij cij ndaej soeng gaemz heiq ndeu.

Dou song boux laebdaeb baenaj, seizneix Hungzhungz caeuq Lili hix ndaej ok sienq lo, Siujmingz youh caiq cienq ndang gvaqdaeuq, Hungzhungz aenvih gen miz di haenz, cingq yaek gau mbat ndeu, cix deng Siujmingz gaemh dawz lo. Hungzhungz cij ndei gig mbouj fugheiq dwk naengh gwnz rin bae. Siujmingz cienq ndang gvaqbae le, gou caeuq Yiujiuij yiengq baihnaj yamq song yamq, couh dingz roengzdaeuq lo. Siujmingz caiq cienq ndang gvaqbae seiz, dou youh laeglemx yiengq baihnaj yamq song yamq, hoeng Yiujiuij cingq yamq seiz, mbouj siujsim caij deng ndaek rin



ndeu vad laemx lo, Siujmingz raen le hix raengcawz de lo. Baezneix cij lw gou caeuq Lili lo, gou sim siengj: “Lili caen dwg boux ak ndeu, hoeng gou caeuq de beij wnggai ndaej hingz.” Dou cieq dwk byaij, daengz byongh seiz, dou dox yawj yaep ndeu, lumj dwg naeuz swheij itdingh hingz. Yaep ndeu, Lili couh gyaep hwnj gou lo, gou ciemhciemh roxninh daengz gou couh yaek saw lo, ndawsim gip raixcaix, seiz ndeu mbouj rox baenzlawz guh, seizneix Lili cix daekeiq dwk riu

hwnjdaeuq. Gou laihnaeuz gou haengj-dingh saw lo, siengj mbouj daengz de nyaenx mbouj ndaej baez haetwi, gou loeklak couh ndaej hingz lo.

Seiz iq geijlai mizyinx, mbouj youheiq gijmaz, gou caen siengj seizgan ciengxlwenx dingz youq seiz iq angqyangz haenx ha!

(Sanglinz Yen Dafungh Cin Vangzcouh Siujyoz haj nienzgaep Couh Lingzyij boux lauxsae songyauq Lij Haijyen)

Gou Rox Hit Lo

我得到了教训

Gou geiq ndaej seizhaenx sam seiq bi, gou aenvih mbwq lai, ndigah couh muenz daxboh daxmeh buet okbae guhcaemz lo, gou youq baihrog yawjraen aen danci dahcej, youh naemj daengz yiengh dahcej gwih ci, roxninh ndei loengh raixcaix, doeklaeng couh benz hwnj aen danci bae.

Hoeng aenvih gou ndang daemq iq, ndigah naemj benz hwnjbae caen hoj dahraix ne, youq mwh gou benz daengz byongh, ga gou caij hoengq lo, gou laemx roengz dieg bae, seizhaenx aiq dwg gyauej gou bungq daengz dieg, gou ngunh bae lo.

Mwh gou singj gvaqdaeuq gaenq youq ndaw yihyen, gou baez ngiengx gyauej, raen haujlai caencik sim-gaenj dangqmaz,

seizhaenx daxmeh gou daej lo, daxboh itcig youq henz daxmeh nai naeuz mbouj miz saeh. Gou gag naemj: “Danghnaeuz gou rox baenz-neix, gou couh mbouj bae benz lo.” Doeklaeng, dahcej raen gou couh hemq: “Dahnuengx singj gvaqdaeuq lo, dahnuengx singj gvaqdaeuq lo.” Caezgya dingqnyi bouxboux buet gvaqdaeuq yawj, daxmeh dingqnyi gou singj couh mad raemxda, naj riunyumnyum. Ginggvaq baez neix, gou rox hit lo, daengz seizneix gou cungj mbouj gamj gwih danci lai.

Seiz iq bouxboux cungj miz angqyangz, nanzgvaq, duenhlienx, rox hit. Seiz iq bouxboux cungj mbouj doxdoengz, miz mbangj vunz seiz iq angqyangz, hoeng miz mbangj vunz seiz iq hojgvaq.

(ngeih nienzgaep Linz Yoz)

Haetromh Ndawhag

校园的早晨

Haetromh ndawhag caem-rwdrwd. Caengz mok hoenz-ngeungeu lumj maebaij nei goemq ndawhag dwk, aen laeuzsonhag youq ndaw mok neix moengz-moengz loengzloengz. Dieggvae, mok yawj mbouj cingcuj, gingjsaek yinx vunz raixcaix.

Haetromh ndawhag gyaundeiraeuh. Mwh daengngoengz ngamq loh najriu okdaeuq, ngoenz moq hainduj lo. Youq ndawhag, gon-ywj ngiengx fajnaj dwggvaez de hwnjdaeuq. Va miz gak cungj gak yiengh, duj hau, duj nding, duj henj……yinx raixcaix. Gofaex henz gova heuswdswd, yienh’ok va ndingnding heuheu, caen dwg gyaundeiraeux.

Haetromh ndawhag nauhyied raixcaix. Mwh gyoengq doengzhag laebdaeb daeujaengz hagdangz, ndawhag sawqmwh nauhyied

hwnjdaeuq, diegdieg raen miz gyoengq doengzhag. Gwnz cau-hcangz, miz vunz dwk giuzfwngz, bouxboux ak lumj guk nei, buet vaiq dangqmaz. Mbangjseiz gyoengqde suglienx cienz giuz, dop giuz, ndek giuz, hawj vunz youq henz yawj haenh mbouj dingz.

Haetromh ndawhag miz maq-muengh raixcaix. Mwh nditrongh ciuq hauej bakcueng, ndaw gyausiz sing doegsaw goksasa. Gyoengq doengzhag dawz ceksa, mbouj saiaix saek miux cung, au hengzdoengh saedsaeh daeuq bauqdap lauxsae.

Haetromh caen dwg lai saek lai yiengh! Gou gyaex haetromh ndawhag!

(Fuzgen Swngj Anhih Yen Gendouj Cunghsinh Siujyoz Vuz Cinbungz)

(ciep geizgonq)

Sawqmwh, aen ciengzgingj gyaundeiraeux caemhcaiq hawj vunz doeksaet ndeu baij youq baihnaj gyoengqde. Hoihlaeuq ngamqngamq hainduj, neix dwg aen ranz gwn haeux gig hung youq lajnamh vat baenz ndeu, aen ranz gwn haeux cungqgyang baij miz aen daiz gwn haeux hung ndeu, doenghduz humx naengh hauej aen daiz gwn haeux ceiqnoix miz ngeihcib gouj duz, gyoengqde dwg maex nyaenma caeuq sam duz nyaenma lwg, maex duzvanh caeuq sam duz vanh lwg, duzoenj, maex duzoenj caeuq seiq duz oenj lwg, duzdoq, maex duzdoq caeuq

Daxboh Nyaenma Ak Lai

了不起的狐狸爸爸

bouxraiz Lozwjdwz·Dazwj bouxhoiz Cwz Fanghdingz
罗尔德·达尔 著 翟芳婷 译

seiq duz doq lwg, nouguk, maex nouguk caeuq roek duz nouguk lwg. Gwnz daiz baij rim gaeq, bit, hanq, galab, nohlab caeuq lauxbaeg nding. Daihgya cingq saeg gwn doenghgij doxgaiq ndeigwn neix.

“Bouxgvan ndei gou,” Maex

nyaenma doq hemq, doq diuq hwnjdaeuq gotdawz nyaenma sienseng, “dou caj mbouj ndaej lo, cingj yienzliengh!”

Liuxle de youh gotdawz duz nyaenma ceiq iq haenx. Maex duzvanh gotdawz duzvanh, daihgya

youh doxgot mbat ndeu.

Aenguenq cang laeuj mak-bingzgoj youq ndaw raq sing hemq vuenheij ndeu deng riuq hwnj gwnz daiz, nyaenma sienseng, duzvanh caeuq duz nyaenma ceiq iq doxcaeaz naengh roengzdaeuq lo.

Mwngz haengjdingh geiq ndaej moix duz naengh youq gizneix cungj haujlai ngoenz mbouj ndaej gwn doxgaiq lo. Gyoengqde iek yaek dai, ndigah seizneix gyoengqde gijmaz cungj mbouj gangj. Youq mwh gyoengq doenghduz “gung-hoenx” doenghgij doxgaiq ndeigwn neix, dan dingq ndaej nyi sing geux gacab gacab gacit gacit.